

欽定石渠寶笈續編

欽定石渠寶笈續編

第三十

重華宮藏

七

列朝名人書畫

三

元人獵騎圖

一卷

〔本幅〕絹本。縱九寸五分。橫八尺七寸。設色畫。射獵馬戲諸景。騎者三十四。無名款。

鑒藏寶璽

八璽
全

元人傳經圖

一軸

本幅絹本。縱四尺四分。橫一尺七寸五分。白描畫校欄立石。對置狨座。為伏生。鼃錯授經狀。無名款。

鑒藏寶璽

八璽
舍。

俞和臨張養浩書忠祐廟碑 一冊

〔本幅〕素牋本。十六對幅。前篆額六行。每行縱九寸七分。橫四寸一分。篆書。皇元常州路重脩忠祐祖廟碑。三對幅後篆額如前。每行縱九寸七分。橫二寸六分。幅中十一對幅。每幅縱九寸八分。橫五寸九分。楷書。常州路重建脩忠祐祖廟碑。嘉議大夫治書侍御史東平王士熙撰。資善大夫陝西諸道行御史臺御史

中丞濟南張養浩書榮祿大夫御史中丞濟

南張起巖篆額宇宙間偉人出而動盪一世

攬龍

虎字

鰐蛇虎嘯風雲洗日月使國去禍

使民就福此皆天神來為世人故能挈造化

在手成大事業及其形化反於虛無則復為

神固其所也翹風芳歷勅勲醲澤不亡於千

古遺紀於一時顧或有之許渾嘗歎衛將軍

矣今毘陵所事陳真君有媯之後蓋擢高科

仕隋大司徒。拯危平僭。以忠著。其佐神柴侯。仕南唐。節度使。皆能推辭。以義。以勇名。夫官大司徒。節度使。不賤。忠義有勇。又立名當時。隋五代史。亦莫之及。及亦莫之詳焉。因知古名臣烈士。史失其姓名。與事者何限。公論一人心。人心一天理。忠義人心理也。無有泯時。况其使國去禍。使民就福。無異其平生哉。水旱也。雨暘之盜賊也。錢鏐之疾病也。簞食肉。

之休賴天下。而祀盛淮淩東西。毘陵為神桑梓尤甚盛。郡之人奉之靈動。畏祀之神恩。動愛視之。父母廟以寓依歸之心。表曰忠祐。而爵王至帝。封福順武烈顯靈昭德。舊號也。熙朝嘉陰相之績。帝之上無能名。蓋仁惠孚祐。是錫真君。帝通天人之辭。其君天之矣。然號高而廟庠弗類。初郡長脫因公祈穀稔。思報繕脩有開。以新衆是助。公拱手言。神忠義士。

於名教有益。且吾民何恃。身康而腹無饑匪。他之賜神。殆與牧守分治此郡。吾坐官署。安神風雨不庇。愧之久矣。安事勞民。旦出私錢。率僚屬。凡營具圖。殿幾。門幾。廂廡幾。亭臺幾。殿某。門某。廂廡某。亭臺某。具式。木務大。瓦務重。竹葦鐵灰。甃石膠口漆務堅。其崇務克。其縱橫務深廣。有志也。工未半。以報政去。及錫命下。趙君崎尹武進。願合以培。同知明安海。

牙公繼至。度倍之。主祠二張師。叩囊底以從。遂成。成契圖式。殿大小六。廂廡左右夾門內。外二。亭臺前後總百楹。齋房賓館廐庫庖福。在其外。凝土像形。嚴形像秩。凡煥飾無不萃。於是林泉改觀。過者愕眙。昔者重輻垂擁。游埃未遑。今則飛檐躡廡。高褰大闢。清恩拔出。昔者韓香俯伏。地不給序。今則虛唐蔭術。列容千席。進退有餘。紅衣羽扇。儼臨于表。皓乎。

蓮華湧太華也。金戈玉節森植于下。凜乎瑤
樹行碧海也。至若聲容堂堂如顧盼然。威耀
奕奕如指揮然。隱若雷霆下青天也。故廟成
神益尊。人敬益新。而大號之美始稱。師請昭
其事。以勗方來。余為之一書曰。聖元天子在
上。百靈效職。繼自今日。太平萬億世。與天無
極。再書曰。陳真君迨其佐柴侯。血食鄉土。為
國為民。繼自今日。國加衛。民加保。與聖世無

極。三書曰。毘陵入混壹來。第一甲子。實維景
運。是歲神新廟克具。實維盛事。繼自今日。廟
如吏治有府。如民處有室。與神釐無極。繫毘
陵之人。艾耄期頤。至而曾元在樂國。亦無極。
書已。振動拜。為詩以系之。明年。宇下懷椒醑。
烝蕙肴。夕用迎享。送以備馬。真人棄羊去。鄧
墟。御風冷然行八區。返顧下土。爪爛蛆哀時。
再出忘隆汙。銀河倒流落蟾蜍。海內驚見明。

月珠策治未數誼及舒。盛德要夫臯陶謨。隋
家山川如畫圖。端坐正之不崎嶇。鋤樂刻妻
一軒鬚。士休而歌法興屠。歸從放勳謁帝趨。
願脫穢濁陪清都。金尾獅前若聲俞。天上雖
樂無閑夫。神仙皆起功行殊。命使永澤江南
枯。畏壘俎豆千年餘。至竟羶行生楸株。光靈
所被非一隅。是邦迺自誕彌初。春風簫鼓花
毼觥。秋風雞豚稻香腴。橋運相使巧中輸。侯

誰在矣。柴與俱。渺州之西松偃湖。義興英挺。
白頽菟。近州之東泉溜渠。九龍孤高雨芽爐。
致功避世各足須。讌游有客適有居。君不寂
寞少此娛。赤鯉既來無疾驅。留伴庭龜樓接
余。日聽閭里歌唐虞。崇道凝真通妙法師。元
學講師教門高士。常州路元妙觀住持提點。
兼領本路諸宮觀事張繼宗。明道宏妙法師。
常州路忠祐祖廟住持提學。因舉張紹先立

石第二行下自識。此本是王明老將來寫。已
三年矣。故得夢神明而書。今子成來求。是冊
發心再書一通於白鹿紙上。共十六張。可刻
白鹿紙上者。此本可留之。俞和奉白。子成府
掾。昇家幕下。鈐印一。俞子中。

鑒藏寶璽

八璽
金

收傳印記。荆川宋肇審定。

謹按俞和字子中。號紫芝。錢唐人。陳善杭州
志稱其書得趙文敏筆法。忠佑廟志載在府

城祀隋郃人陳景仁西廡祀南唐右武衛將軍柴克宏

莫維賢西湖草堂圖

一卷

本幅素牋本。縱一尺八分。橫三尺五寸。水墨畫西湖山水。無名款。

御題行書

驚望湖山有所思。遙情千里座中移。玲瓏更見雷峯塔。喜未曾經劫火時。隱君外史契知音。供養烟雲寄靜心。我覺明湖絲竹鬧。同然先得畫留今。乾隆壬申御題。鈐寶三來青軒。乾隆。

引首

西湖草堂

篆書

玉雪披翁為士文書。鈐

印二周氏伯品三世翰林。

後幅前人題跋

擬題莫景行西湖寫真畫現頃首達人夙得
煙霞趣。百屋西湖背。成佳伊誰筆。有俗地法
盡卷湖山入。豪素勢如翠浪蹴。天起一線縱
橫。兩新路。仙宮佛祠何處所。時有朱樓出煙
樹。畫船百尺小。於簷不見汀。幽與沙鷺南山
北。山相媚。嫵都是杖藜曾到處。月香水景夢
東坡。晴光雨色顰西子。幾四開戶成卧遊。不
厭連朝阻風雨。人生百年一炊黍。幾度將迎
鐵鑪步。歲寒只合觀畫圖。不作宣明面相顧
書西湖葉詩有古今體其氣格聲勢若非口

而實同一律律不可分而亦不可強同於其
不可分不可同之間正在作者會通之兩批
大卻導大竅收經綮肯之未嘗而不大融乎
庖丁之解牛文惠君得以養生莊生之立言
吾得口為文章之法景行天才秀朗問學
幾崇銘望山之州固蒙曹巨闕之質必就大
治銷去其滓則金氣渾然而成其名世之器
善而藏之益不可勝用矣予讀景行詩輒不
能已於言故書所見識諸藁末以盡切偲之
義云泰定三年口集丙寅三月甲子晉寧張
翥拜手鈴印三張伯舉父平陽張翥中舉聽
風雨齋
莫景行詩引景行早從子遊其天資明敏為
學之進勢翩翩若鷹隼之習泉流之達即沒
淫不可禦喜為詩氣貫而思銳二字一句必
研鍊口口不數年詩已成編予嘗斷取律詩

自唐以前不論上之為李杜韋柳下之為姚
賈許劉不專一體而各成一體以傳於當時
後世雖其才力所致固有高下大小之殊若
其所長有可得言者矣詩猶弓然往體張來
體弛正之以藥而得張弛之宜則弓為良弓
矣善射者審其數率規其的而發焉其不中
者蓋亦有之而求其遠於的則未之有也詩
有古體律有今體律體有不同而律無不同
一於此則得之不一於此則失之善學者取
以為的而審其所發焉則詩有不工吾弗信
也特之既久手調而心應目注而力隨百發
百中必無遺缺射至於巧則詩造於元矣詩
不元不可也景行之於詩學力如此用志不
分不患不造於元吾哀且老弗復孖思於詩
得景行而與之因綴數語於其編首以相摩
策景行其尚勉於予言奉定丁卯重九日引

南陽仇遠敬書鈴印二。躬行齋。山村居士。
菊存先生於元度為叔祖行觀其為作字說。
詳諄善誘典刑具在山村湛淵二老繼題於
後。此卷垂卅載。在交遊間。久假不歸。一旦舊
物之還。重為裝治。手澤如新。奉之周旋。不敢
失墜。庶幾合瑄璧之義焉。元度其勿忘海昌
張雨跋鈴印一。貞履。
敬承景行。隱君先生見寄絕句。次韻二首。一
以懷外史。一以謝隱君。冀賜教也。侍生桑維
慶望再拜。不借狂生筆。清詩自可傳。靈山雲
最好。南望眼徒穿。多謝憐才意。名期竹帛傳。
要看鐵硯盡。真待木床穿。鈴印二。佳慶桑善
之氏。

鑑藏寶璽

八璽

古希天子。五福五代堂。古稀天子。

寶壽八徵耄念之寶。

取傳印記山村仇遠沐璘廷章兩山。

謹按莫維賢字景行錢塘人明洪武時杭郡訓導

馬琬溪山新雨圖

一軸

本幅宋牋本縱二尺一寸五分橫六寸七分
水墨畫灌叢村落雨暗掩汀欸至正二年十
月望日扶風馬文璧鈐印一文璧

鑒藏寶璽

八璽
全

收傳印記何元朗氏

陳汝言荆溪圖 一軸

本幅絹本。縱五尺。橫一尺七寸四分。水墨畫。

荆溪勝景。無名。款有倪瓚等題詠。

東坡口生寄曰。一入荆溪。便覺意思豁然。欲買田其間。種橘作小亭。名以楚頌。卒不遂。其志杜樊川作水榭。正當荆溪之止。其遺址僧結菴。口口至今。愿愿可考。見蓋荆溪山水之勝。善權口墨銅官諸山。岡壠之處。伏雲霞之吞口。口口瀝於其左。苔雲引於其前。凡仙佛之所宮。口口口流之所宅。殆不可以計數也。覺軒王先生口口潛德於其間。修天爵以恒貴。去人欲以求口口。子若孫皆循循雅飭。弗違先生志也。其曾口口同靜而有智簡而能。

文與余為姻契。口口知其義方之訓有自來矣。河之始達也。口口濫觴焉。口口松柏千尺之材。口口萌蘖之口口其源遠口本深耳。允同命余友陳君惟口繪為荆溪圖以示不忘鄉都之意。他日指圖口口某樹也。吾口之而植也。某邱也。吾父之所口登也。寧無口然有感於中乎。若允同之口舉足話言而不敢忘其祖若父者。非教之口素而能然哉。吾固知其中多隱君子。既樂口於一世又能使其將來之未艾。蓋亦山川之鍾口粹美而致然乎。歲己亥五月十三日東海生口璣漫書。荆南山水昔曾遊離墨銅官嵐翠浮。在防臺前好口口張公洞口不容舟。綠蘿搖雨花飛急。白鳥銜煙浪未休。口口圖一個帳。王君住處憶風流。周砥信筆。荆溪溪上首重題。豈意人間化劫灰。只有新

蛟橋下水。可曾寫入畫圖來。逆昌鄭元祐。
好山都在太湖西。滿路風煙棘刺迷。華屋燕
飛。今在否。市橋官柳不勝題。成都虞堪。
太湖西岸樹離離。故國溪山入夢思。遠鶴未
歸塵世換。歲時誰口新蛟祠。玉蒙。
邵家樓子百花明。來今口堂一水平。俯仰經
口春夢破。披圖能口重關情。張經。鈴印一德
常。

環慶移家三百年。書林喜得子孫傳。惟餘圖
畫仍依舊。一壑風煙思惘然。彝齋鈴印一王
光大印。
荆南山水照晴暉。客裏時時夢見之。風塵湏
洞歸來得。每展新圖慰我思。陳植。
人家綠樹繞孤城。漢上風波落日明。三害廟
存人已去。只今豺虎却縱橫。張田。
殺虎山前雲尚黑。斬蛟橋下水猶腥。十年湖

海為羈旅。夜夜相思。入枕屏。荆南想人。
王家宅子。荆溪上。回首風埃。一惘然。怕說當
年行樂事。卧遊圖裏。見山川。陸大本。鈴印一。
德中。
斬蛟橋下。王樞府。高榭連雲。第一家。欲向新
圖問何處。客窓風雨。對梨花。八十一歲老人。
張監題。

鑒藏寶璽

八璽全

收傳印記 口口畫口

謹按是軸。見卞永譽書畫彙考。諸家題句。皆
同。圖中題跋。所闕字。具存。倪瓚跋。東坡下。缺
先字。善權下。缺離字。雲霞之吞下。缺吐字。滙
於其左上。缺具區二字。流之上。缺萬人逸三。

字。覺軒王先生下缺。韞真二字。去人欲以求
下。缺仁字。子若孫上缺。垂字。其曾下缺。孫先
二字。知其義上缺。故予二字。下缺。方字。松柏
上。缺。榎楠二字。萌蘖之上。缺。出於二字。下缺。
微字。其源遠上缺。由字。下缺。而字。繪為荆溪
圖上。缺。允字。它日柏圖下。缺。而歎二字。某樹
也。吾下。缺。祖字。吾父之所。下。缺。遊字。寧無下
缺。惕字。若允同之下。缺一字。非教之下。缺。有
字。既樂下。缺。善字。粹美上。缺。秀字。款璫上。缺。
倪字。周砥詩第三句。缺。棄釣二字。第七句。缺。
今日。枕三字。王蒙詩第四句。缺。祭字。張經詩。
第二句。缺。祠字。第三句。缺。行字。第四句。缺。不
字。謹以下氏所錄補於後。

王紱林泉道古圖 一卷

本幅素牋本。縱七寸八分。橫三尺四寸八分。
水墨畫竹籬水閣。二人對坐談心。款九龍山
人王紱。

御題行書。

水軒對坐。權尊盧貌。古神全道。以腴却笑。兩賢
千載下。消聲價。祇百青蚨。已卯清和。御題鈴
寶二。幾暇怡情。得佳趣。

後幅張照題跋。

乾隆丁巳八月以二百文錢購於市僧真松得普賢菩薩也照

鑒藏寶璽

八璽
金

收傳印記子京斗室世珎世澤堂藏。

王紱漁樂圖

一軸

本幅素紙本。縱三尺八寸八分。橫二尺一寸。
墨筆畫深巖邃壑。漁舟三兩泊山麓。無名款。
有王達等題。

御題行書

是人都道漁家樂。不識漁家樂何若。弗躬親者
已隔膜。况耳食者真畫諾。九龍山水最佳處。孟
端卜宅棲煙壑。興來濃墨寫所見。非想當然成。

約畧。山高水深。魚鳥間。偶著漁舟。傍山脚。豈徒
浮家。這租賦。信是登仙。聽韶護。名之漁樂。亦自
得。山人意。或別有託。乾隆辛未春三月。御題
鈴寶二。乾隆宸翰。幾暇臨池。

萬古山川一鏡開。層層曲曲見樓臺。雲隨曉
月峯前墮。鷗逐春溪樹裏來。兩岸落花人蕩
槳。半汀殘雨客銜杯。寒區何處有此地。物外
四時無點埃。豈但右軍多筆法。要知黃石是
仙才。奔灘觸浪飛顏鯉。絕壁疑嵐護翠苔。玉
室金堂疑太華。紫芝瑤草憶蓬萊。相看六月
不知暑。一榻清風真快哉。吾弟王孟端學成
於已。而德蘊諸中。三餘之暇。工畫。即高出人

意表雖古人不過也黃君叔洪吾之至友也
書無不讀而術無不精雖醫卜耕稼之藝亦
用心焉今觀孟端為叔洪畫此圖筆法高古
用意精深一幅之間而衆妙咸備豈二人道
術相忘不求工而自工耶抑豈道眼相燭不
敢相欺致如此之精耶嗚呼天地之間未必
無荆玉也下氏之不生耳大抵有下氏則荆
玉自然出矣二君子好古而尚志趣清而才
廣豈無識之者哉洪武丙子仲軒居士王達
識

前山後山蒼翠深大樹小樹寒蕭森不知何
處打魚者日暮泊船溪水陰翳叟

鑒金藏寶壙

全

古希天子壽八徵耄念之寶

夏景畫竹 一卷

本幅素綾本。縱二尺五寸。橫一丈七尺九寸。
水墨畫叢竹。款。右寫解谷清風。東吳夏景。鈐
印二。東吳夏景仲昭書畫印。太常卿圖書。

後幅張照題

太常閒官一事無。倒冠落珮從權娛。平鋪刻
藤濡大筆。掃作嶰谷清風圖。飛厓峭石勢千
尺。一道瀑布聲萬夫。崩騰赴壑激躍起。亂跳
由旬明月珠。偃岩卧塢百萬个。答以天籟相
于喁。綠沈異異嚴淨土。活鸞一一翔天衢。折
釵印爪莽回互。骨弱可卷嫌玉奴。梅花庵裏

風韻在出藍未許良近朱。曾歲項氏清閨間。
傳至今代高平湖。金題玉璽重珍護。俾從與
可東坡居。煙雲過眼四十載。名跡半付桓元
厨。古松已平報國寺。市賈未改春塲鋪。公孫
邂逅忽相遇。摩挲收買涕在須。親朋環視三
嘆息。延津合浦事豈殊。乾隆之元冬十月。張
照為記。卷之附。鈐印二。張照之印。瀛海仙班。

鑒藏寶璽

全八璽

收傳印記天籟閣

謹按嚴氏書畫記載夏仲昭解谷清風圖一
即此卷。景字仲昭。崑山人。由進士累官太常
寺卿。

明卓迪脩稷圖 一卷

本幅素綾本。縱八寸三分。橫二尺九寸。水墨
畫蘭亭脩稷故事。款脩稷圖。八分南陽卓民
逸寫於金陵官舍。鈐印五清約齋。褒德世家
卓迪印。鳳池清趣。冑中邱壑。

御題行書

茂林修竹此間多。展卷居然晉永和。千載由人
摹稷帖。孰傳骨髓孰傳訛。乾隆丁丑春御題。

鈴寶二會心不遠得佳趣

題籤

御筆

明卓迪脩楔圖

鈴寶一乾隆宸翰

後幅解禎期書蘭亭詩序

見

乾隆宮所藏御臨董其昌臨

王羲之蘭亭詩序冊款

正統癸丑春正月望日禎期摹

鈴印三謹靜齋解禎期印落花飛雪有王澍

題跋

卓迪字民逸奉化松谿人明永樂中以能書召入翰林而特善畫當未入翰林前奉母隱

鑑藏寶璽

全八璽

居林水之趣。時時見於翰墨之間。奇峭深蔚。鬱然沉勁。此圖蓋已入翰林後作。故有鳳池清趣之印。然成祖鼎遷於燕。而題為寫於金陵官舍。殊不可曉。後有解禎期蘭亭一卷。貞期為大紳從子。以能書選天下第一。鳳洲稱其疎島自喜。不失春雨門風。此蘭亭信不愧斯目。前後照映。足稱雙璧。雍正壬子中元令節。琅邪王澍書。後鈐印二。王澍印。恭則壽。

收傳印記易庵林氏曾觀

杜瓊南湖草堂圖

一軸

本幅宣德牋本。縱三尺七寸一分。橫一尺七寸五分。水墨畫。爲嶺古松。攤書虛閣。自題薄薄澹靄吹春壑。春光著樹皆榮敷。山巒晴氣逼眉宇。林鳩兩兩相爭呼。農事初作勞西陌。駕犁布穀停不得。一年耕稼方及時。從事惟勤勿少息。茹堂水閣儘幽閒。朝餐笋蕨有餘歡。陶詩韓文信手展。檐下浮雲去復還。寫圖

聊以記逸興。墨花筆彩相爛斑。松影宋。水聲潺。畫在南湖白塢灣。成化四年。蕤賓初吉。嘉禾周伯器老友。構別業於南湖。臧舟過訪。屬拙筆為圖。以記乃命管城。作此塞請并賦七古一章。鹿冠道人杜瓊東原鈴印二。杜瓊東原

左方標綾孫承澤題。

嘗論夫翰墨沈潛本乎情性。杜淵孝先生少時刺屬讀書。鄉里以孝行稱。旁及繪事。始致

董巨。繼仿元季諸公。自成家數。每持方竹杖。游朋舊間。築瞻綠亭。逍遙自娛。道韻襲人。宜乎年臻大耋。而筆墨之能壽世也。此南湖草堂圖。為余篋中夜光之珠。康熙甲戌六月十日。北平孫承澤識。鈴印一。孫承澤印。

右方標綾高士奇題

余友退翁。多蓄古帖名繪。所製唐子銷夏記。傳世。此幀為庶冠道人作。暇日出示評賞。細玩跋語。甚有慕于淵孝之為人。不徒歎羨筆墨。可謂好古之深者。集頭通珩荷作供。軒牖清涼。觀花讀畫。恍對古君子也。竹窓高士奇鈴印三。士奇。高唐事。

鑒藏寶璽

全八璽

收傳印記。天籟閣。樵李甲觀。深山閉戶。虛朗齋。平生真賞。子孫世昌。項墨林秘笈之印。

謹按杜瓊字用嘉。家吳之樂園里。負一時重名。吳寬姚綬本為先輩。沈貞兄弟受業其門。此卷為周鼎作。伯器鼎字。

沈周畫山水 一冊

本幅素牋本八幅縱一尺五分橫二尺第一
淺設色畫石湖秋景自題夕陽疎樹影離離
碧瀨微風弄淺漪一段蕭然曾記得石湖秋
盡雨晴時沈周鈐印一沈啟南氏第二水墨
畫枯木竹石自識雲林子久並祖荆關而古
木寒林石山水竹則元鎮尤為擅場余此作
蓋猶存荆關遺意而更濟以倪黃之法者也

宏治三年長至日。長洲沈周自記鈴印二沈
啟南氏白石翁第三設色畫江樓帆楫款沈
周鈴印二沈啟南氏白石翁第四設色畫湖
山茅屋。自題人間五月足炎氛。此地風高湖
水渟。自挈一藤來草閣。小橋西畔數峯青。長
洲沈周。鈴印一沈啟南氏第五設色畫林木
山居。自題山巔構居屋。日日看煙樹。風雨不
侵人。流水自來去。丙寅九月。沈周鈴印一沈

啟南氏第六。設色畫仿高克恭雨景。自題。溪
聲喧草閣。雨氣濕空林。雲外青螺影。匡廬幾
許深。高尚書好為此法。偶一臨之。白石翁鈐
印一。沈啟南氏第七。水墨畫松雲石洞。道人
跌坐其中。一童子採藥還。自題。亂藤垂古木。
削壁倚雲端。試展蒲團坐。秋聲生早寒。沈周
鈐印一。沈啟南氏第八。淺設色畫雪屋漁舫。
自題。六出凝寒草木枯。江山凍合碾冰壺。明

來正好聯新句。酒熟床頭不用酤。長洲沈周
并題。鈴印一。沈啟南氏。

御筆分題行書

石湖幾度見南巡。震澤相連漾碧漣。但識其春
秋未識。尋思此意契觀民。細竹繡樛古木蒼。
荆闕意更濟倪黃。蓋鹽不用重和齊。即是羅浮
骨董湯。樓倚江邊俯暢情。縱眸遙見片帆橫。
大都遠涉風波者。兩字不離為利名。四柱虛

亭俯碧漪。倚欄匡坐獨凝思。詩人定是杜工部，
紫閣峯陰對漢陂。山館臨高空谷杳。凭欄幽
客託遐思。日沉閣際漢雲起。恰似許渾得句時。
雲歸嶺腹勢將散。雨過峯頭潤尚濃。袞笠依
然漾舟去。恐防林下露重重。趺坐空巖修內
丹。白雲蒼樹自幽閒。却疑未晤黃庭旨。尚待青
童採藥還。高峯鏤出玉嵯峨。銀海寒光影盪
摩。獨坐溪亭思白戰。石谿恰有客相過。癸巳

新正中澣御題每幅分鈐寶半榻琴書已有同
春中和會心不遠幾暇怡情得佳趣妙意寫清
快墨雲比德朗潤

鑒藏寶璽

八璽金

古希天子

收傳印記
酉室黃氏珎玩
小清秘閣圖書
白生

沈周千人石夜遊圖 一卷

本幅素牋本。縱九寸四分，橫四尺九寸。淺設色畫虎邱千人石夜景。一人策杖行，無名款。有啟南半印。

後幅千人石夜遊唱和詩。

千人石夜遊。沈周。一山有此座，勝霞無勝此。羣類盡硯出，夷曠特如砥。其脚伸靈湫，教霞而深紫。我謂瑪瑙坡，但是名差美。城中士與女，數到不知幾。列酒即為席，歌舞日宣市。今我作夜遊，千載當阮始。澄懷示清逸，瓶罍真足取。亦莫費秉燭，少月良可喜。月皎光滿。

地。指足畏踏水。所廣無百步。旋繞千步起。一
步照一影。千影千人比。一我欲該千。其意亦
妄矣。譬佛現千界。出自一毫耳。及暖林木杪。
吟龍殿閣倚。僧窓或映火。總在珠網裏。閒閒
萬響滅。獨度愛然履。恐有竊觀人。明朝以仙
擬。鈴印二。啟南石田。
吾想混沌初。此石便如此。神功鑿雕鈿。翻奇
出平砥。年深積秀氣。白色變為紫。所恨剛未
盡。曉巖更遺美。傳聞坐千人。不審誠坐幾。嗟
嗟來遊客。有朝亦有市。請從今日前。追數到
古始。喧呼吐酒肉。坐有為石恥。沈吟幾詩篇
坐有為石喜。劍池即在旁。無人滌之水。夜遊
月中行。自我石翁始。形影得妙悟。千一何善
比我千。舉千遊翁千。一身矣。惟翁千人人。瓶
缶亦有耳。不為玉堂直。乃作屋樹倚。宰相非
不知。忍棄山谷裏。白頭戴月色。想像吟且履。

人品白石翁。前人不須擬。楊循吉和
狹徑穿山腹。盤盤雄歷此。吳王三千劍。意以
是為砥。鐵髓積廣面。歲久色尚紫。石概竒竅
竅。此以平為美。坐閱今古人。當不知千幾集
坐畢。一時傳傳嫌如市。況及寶不及千名。何
以始。準彼釋氏誕萬億。未為恥。俗驚少攝多。
走觀信而喜。我登紀夜以。其而月如水。楊子
時莫偕。清篇觸侶起。歷歷到以意。不遊與遊
比。語語盡括石。石舉在詩矣。使石尚化王。條
忽鬼人耳。玩之靈光生。夏之雅音倚。氣復蒸
春雲。詩又在石裏。瑟縮愧我詞。荆棘礙步履
自笑邯鄲人。胡為強追擬。周再和。鈴印一。白
石翁。
有石難名言。若叻同彼此。從來坦蕩蕩。君子
道如砥。當春地氣動。萬物盡紅紫。嗟此獨不
然。深絨發生美。謂疑古冰倍。下壑靈怪幾。往

來寶貨湧。一顆命堪市。幸然免椎鑿。獨得全
厥始。人心在今時。戡險翻可恥。爭如石之平。
不令公起喜。我聞孟嘗賢。千鳥契魚水。恨不
同來遊。舞袂一時起。英豪我無分。且以清速
比。雖非長。既周將來其老矣。山中浪。秦跡直
是盡遊耳。盤桓日未落。雲巖已偏倚。何如翁
興高。夜詠明月裏。一時化千影。千影月隨履。
翁月勝有兼。嗟人勿空擬。循吉再和。
子才五色石。補天曾以此。餘才散為詩。或笑
或如礪。今賦千人坐。秀句尚紅紫。誰謂丈人
醜。賁有幼婦美。一篇似難又。連篇不覺幾。請
即事深刻。打榻滿城市。先時漫無文。增重信
伊始。我如呼風鵠。悲鳴自堪恥。子如希有鳥。
九萬借風喜。上掣層霄雲。下掠滄溟水。餘力
播此石。久靜當屈起。點頭有公案。悟詩與禪
比。不然只冥頑。一石而已矣。我言子無答。一

言而已耳。尚容答千人。琅玕新然倚。還招舊
時月。總照新象裏。我復就盤陀。箕踞脫雙屐。
咏言証千人。使石無妄擬。往年月夜賦。此
長語。因紀所遊耳。楊儀部謬愛。兩致和篇。余
詩遂連聞於吳中。以為盛事。此卷因病起。僅
能書其倡。而手力告乏。幸江東徐子仁代之。
又增賁多矣。然千人石蓋吳中勝處。人皆得
遊。皆得詠。詠而成卷。人皆得藏。余故不吝。屢
為人錄。此其一也。宏治癸丑歲夏五梅雨中。
沈周。鈴印二。啟南石田。

鑒藏寶璽

八璽全

沈周畫山水 一卷

本幅宣德箋本縱八寸八分橫八尺一寸二分設色畫雲水巖壑竹籬茅舍水閣橋艇有獨坐者聯吟者曳杖者抱琴者荷薪者弄槳者款長洲沈周鈴印二啟南石田

御題行書

幽居靜可論山腹水之源有婦司中饋無僮守外門亦時來野客而弗過高軒應笑向逢輩猶

然致傳存 已丑仲春月御題鈴寶二德充符
會心不遠

後幅前人題跋

湖山尋歸路行行背落暉青山樵客去白鳥
向人飛不覺過泉聲空勞帶雨衣江南如夢
醒仍見水田肥吳寬鈴印二原博古太史氏
碧洞已瀟瀟水谷流決決獨行蒼莽間犬吠
人跡絕旭日穿樹林青煙忽消滅時看殿巖
風吹落松上雪徵明鈴印二徵明衡山
啟南畫山水翎毛花卉人物種種入神公亮
何處得此耶老成秀蔚譽之明堂大樂一奏
衆音皆廢丙戌十月王鐸為公亮戚道兄題
跋鈴印一王鐸之印

沈石田筆墨可稱妙絕。當時余最心愛之。甲午夏。校士路河暑中閱此。已置身高柯流泉間矣。甲午六月。程芳朝題鈴印一。程芳朝印。

鑒藏寶璽

全八璽

收傳印記鑒印半

沈周天平聽雨圖 一軸

本幅絹本。縱五尺七分。橫二尺。水墨畫天平山雨景。山顛松閣。二人對坐。山下一人持蓋度橋來。款天平聽雨。篆書長洲沈周做大癡筆。鈴印二。沈啟南氏。沈周私印。

鑑藏寶璽 八璽全

收傳印記。李芝貞伯父印。有竹可口。俗無口。不能口。

沈周青園圖 一卷

〔本幅〕素牋本。縱九寸。橫五尺八寸八分。水墨
畫古樹虛堂。竹籬柳岸。一人執卷堂中。自題
脩身以立世。脩德以潤身。左右不違矩。謙恭
肯迂人。擇交求益已。致養務豐親。鄉里推高
譽。蘭馨逼四隣。長洲沈周。鈐印二。啟南白石
翁。

〔引首〕青園雪林。鈐印一。昌印。

鑒藏寶璽

全八璽

沈周畫雪景 一軸

本幅絹本縱六尺五寸橫三尺二寸淺設色
畫雪中笠騎自題雪裏高蹤為探梅獨騎瘦
馬踏寒來西湖第六橋頭路撲鼻新香已試
開沈周鈴印一啟南

御題行書

我到西湖每過梅兩高峯送雨絲來披圖如踏
六橋雪樹樹重看五出開 辛亥春用沈周韻

御題鈴寶二八徵耄念自強不息

鑒藏寶璽

全八璽

呂紀畫薔薇 一卷

本幅絹本。縱一尺。橫八尺一寸。設色畫薔薇四叢。間以竹石苔草。款四明呂紀寫。鈐印一。四明呂紀振印。

後幅前人題跋

呂指揮平生謹厚淳篤。而獨喜弄丹青。以寄意。凡山水人物。俱造古人地位。而尤以翎毛花卉。著名一時。作者無出其右。咸相法則焉。此卷所寫薔薇花。設色鮮麗。生意鵲然。前與宋元並肩。後當無復能繼其踵者。真絕作也。藏者當倍加珍重。雲間沈思孝鈐印一。沈思

孝印。
莫廷幹曾閱一過於墨花菴。鈐印二。莫廷幹
印。惟效。

鑒藏寶璽

八璽
全。

收傳印記子孫世昌

謹按呂紀字廷振鄞人。孝宗朝官錦衣指揮。

唐寅秋聲賦圖一卷

本幅絹本。縱一尺橫三尺八寸六分。水墨畫。歐陽修秋聲賦中童子出視句景。款正德戊辰畫於學圃堂。晉昌唐寅鈐印三。南京解元唐伯虎唐寅私印。

引首聲在樹間。周天球鈐印一。周公瑕氏。

後幅唐寅書秋聲賦。

歐陽子方夜讀書。聞有聲自西南來者。悚然而聽之。曰異哉。初淅瀝以蕭颯。忽奔騰而砰

汨如波濤。夜驚風雨驟至。其觸於物也。鉦鉦如波。金鐵皆鳴。又如赴敵之兵。銜枚疾走。不聞號令。但聞人馬之行聲。余謂童子。此何聲也。汝出視之。童子曰。星月皎潔。明河在天。四無人聲。聲在樹間。余曰。噫嘻。悲哉。此秋聲也。胡為乎來哉。蓋夫秋之為狀也。其色慘淡。煙霏雲結。其容清明。天高日晶。其氣慄冽。砧人肌骨。其意蕭條。山川寂寥。故其為聲也。淒淒切切。呼號奮發。鬱鬱草綠。絳而爭茂。佳木蔥蘢。而可悅。草拂之而色變。木遭之而葉脫。其所以摧敗零落者。乃一氣之餘烈。夫秋刑官也。於時為陰。又兵象也。於行為金。是謂天地之義氣。常以肅殺而為心。天之於物。春生秋實。故其在樂也。商聲主西方之音。夷則為七月之律。商傷也。物既老而悲傷。我。我。物過盛而當收。嗟乎。草木無情。有時飄零。人為動物。

惟物之靈。百憂感其心。萬事勞其形。有動乎
中。必搖其精。而況思其力之所不及。憂其智
之所不能。宜其渥然丹者。為槁木。黝然黑者。
為星星。奈何非金石之質。欲與草木而爭榮。
念誰為之哉。賊亦何恨乎。秋聲童子莫對。盡
頭而睡。但聞四壁蟲聲唧唧。如助予之歎息。
燕臺唐寅書於學圃堂鈴印三。唐伯虎南
京解元。六如居士。

鑒藏寶璽

八璽全。

收傳印記張則之靜心堂書畫印

唐寅垂虹別意圖 一卷

本幅宣德賤本。縱九寸一分。橫三尺三寸四分。水墨畫寶帶橋舟行送客景。鈐印二。唐寅私印。唐伯虎自題。柳曉霜前綠。橋垂水上虹。深杯惜離別。明日路西東。歡笑辜圓月。平安附便風。歸家說經歷。挑盡短檠紅。蘓門唐寅鈐印三。金昌門。唐居士。唐伯虎。

引首垂虹別意。祝允明鈐印二。祝允明印希

哲。

前隔水唐子畏倣宋李晞古筆意無名款印

記。

後幅前人題跋。

垂虹別意詩序。休寧宗弟戴生昭。年富賢美。予教昭興府學時。與其父思端有同譜之好。往來情義甚篤。然思端素習什九在外。不能內顧。昭恐廢學。負所稟。因挈來遊於吳。訪可為師者。師之。初從唐子畏治詩。又恐不知一言以蔽之之義。乃夫從薛世奇治易。世奇仕去。繼從雷啟東以卒業。昭為人言動謙密。親賢好士。故沈石田楊君謙祝希哲輩皆

吳中名士。昭憲得與交。交輒忘年忘情。及昭
學漸就緒。去家且久。不能無庭闈之思。將告
歸。衆作詩送之。君謠詩云。垂虹拂帆過。因題
卷曰垂虹別意。蓋垂虹者。吳地石杠之名也。
送昭必於此地為別。使準者可及夕而返。故
也。昭自來請序。予曰。大夫立身。莫先於學。不
學則縱富且貴。不過血肉之軀耳。富則敗禮
亂俗。貴則敗政厲下。富貴將安用哉。死則人
皆唾罵。言不已。其所過之地。如孤鴻雪泥。指爪
易滅。人亦不齒也。惟人幼而能進於學。以明
其理。以脩其身。故能入孝出弟。行謹言信。窮
則善家厚俗。出則忠君澤民。生則人化之。死
則人思之。所歷之地。人皆稱述而歌咏之。非
私也。人心之公道也。古今之直道也。昭生來
遊吳中。而以明經講學為務。吳之士大夫亦樂
與遊。及其去而送之。以詩。即昭定日所歷而

使人思慕之權輿也。不然則贈昭之言豈徒
然耶。昭歸以予言。論諸父兄宗族當必以予
言為然。昭字明甫。同余出唐道國忠公。曾之
後蓋徽之雙溪世家云。正德戊辰中秋吉旦。
浙江紹興府儒學訓導長洲戴冠書。鈐印三。
灌題子。橡菴戴冠章甫國書。
新安十日程。足為千里游。江湖志汗漫。仗劍
氣橫秋。昨逢阿戎與之語。知君楚尾并吳頭。
不須琵琶潯陽郭。泊此書畫滄江舟。飄然明
哉向何許。長笛一聲黃鶴樓。長洲朱存理。鈐
印一。野航。
把手江南奇絕處。石關高拍袂輕分。胷中故
有長虹在。吐作天家補袞文。祝允明。鈐印一。
包山真意。
相逢憶昔白花村。今忍相違賦此吟。怨鳥啼
殘歸去恨。清風欲動仰高心。三。高。半。江。

寒送蘋花雪。一路香浮桂子金。有約明年重
過我。不妨杯酒話更深。山塘吳龍。鈴印一世

應

久客懷歸。辭舊知。扁舟江上欲行時。多情最

是垂虹月。千里悠悠照別離。長洲文壁。鈴印

一微明

相送江頭水。映空孤舟渺渺下。垂虹秋深無

限。江楓思欲贈新詩。苦未工。陳湖陳健。鈴印

一達意

書劍客金閨。梧桐葉又黃。蛩催歸思早。江渺

去途長。餘吳底山影。西風來桂香。垂虹拂帆

過。鳬鴈滿銀塘。文學戴明父。將歸新安。來詣

草堂言別。輒賦此為贈。前進士宏農楊循吉

鈴印二。君謙禮官致仕。

臨流祖席正清秋。歌罷新詞不自由。此日送

君和興去。何須風雪夜乘舟。練全璧。

臨歧慷慨。揮離觴。仗劍南歸。猿猴。鈴印。情似三
忠。橋下水。遠隨君夢。過錢塘。魯泰。鈴印一。多。

暇子。

送君歸去。上垂虹。霜落吳江。幾樹楓。堂上有
人。真倚望。布帆休挂。送潮風。太原祝續。鈴印

一。虎榜中人。

心懷親舍。遠。身上客船忙。脉脉情千種。匆匆
酒一觴。江波搖落日。楓葉著餘霜。顧此垂虹
影。離愁誰短長。漕湖俞金。鈴印二。俞金私印

國聲。

送別江橋。日已斜。倚欄把酒。思無涯。驚心白
髮。思鄉國。觸目青山感物華。渺渺烟波。牽客
恨。迢迢秋浦。亂蘆花。不堪回首。天空闊。一鷺
橫飛。帶落霞。吳。釋德璇。鈴印二。水竹佳所。天
機。

客子匆匆買棹回。臨歧相別思悠哉。石梁照

水。去。虹。遠。澤。國。遙。空。鳴。雁。哀。星。斗。光。芒。堪。泮。
劍。風。霜。宰。燕。且。銜。五。吳。門。勝。有。相。知。在。開。編。
梅。花。散。復。來。邢。參。鈴。印。三。勉。強。副。意。慶。文。義。
方。書。舍。
寶。帶。秋。波。啟。別。筵。垂。虹。晚。日。送。行。船。白。雲。似。
與。越。山。隔。明。月。還。同。吳。地。懸。後。夜。相。思。各。杯。
酒。來。年。重。會。賸。詩。篇。殷。勤。再。寫。橋。頭。景。江。冷。
丹。楓。歲。暮。天。長。洲。朱。存。理。
相。見。無。幾。又。送。君。江。橋。驛。酒。話。殷。勤。勝。聲。搖。
落。山。頭。日。帆。影。衝。開。溪。淑。雲。柳。剩。殘。枝。猶。可。
折。詞。將。別。意。不。堪。聞。歸。家。談。及。吳。中。事。挑。盡。
寒。鐙。生。夜。分。葑。溪。願。桐。鈴。印。一。葑。溪。寓。舍。
垂。虹。橋。下。碧。流。長。送。子。明。經。返。故。鄉。道。向。南。
歸。傳。易。學。水。流。東。去。過。吳。江。卦。爻。象。若。今。奇。
耦。交。誼。情。深。各。慘。傷。嬰。邑。晦。翁。生。長。地。隣。封。
英俊。有。餘。光。雲。厓。願。福。鈴。印。一。山。塘。小。行。窩。

圖書

江楓未搖落。江水正澄清。水色君顏色。相思

無限情。應祥鈴印三。連樹軒有微。大木堂。

瑟瑟西風透客衣。懷鄉情與雁南飛。夕陽楓

葉吳江上。一片秋光送馬歸。海觀陸雨

鑒藏寶璽

八璽

收傳印記。神品。清真館印。若水徐氏東海徐

守和珍賞收藏印。耿昭忠信公氏一字在良

別號長白山長收藏書畫印記。信公鑒定珍

歲。半古軒書畫印。珍秘。宜爾子孫。

謹按書畫彙考載垂虹別意詩卷而無圖詩
較此卷少應祥一首而多沈周謝表練全德
陳儀朱侗陸稷徐子立黃紱滿璠俞符戴冠
周同人欽導王偉十四詩蓋其人愛交游侈
投贈別為一本也戴冠字性甫長洲人官紹
興府學訓導有濯纓子集

唐寅畫溪山高逸一卷

本幅絹本。縱九寸五分。橫二丈二尺八寸五分。設色畫山雲洞棧。水濱崖際。扶杖擎舟。獨行趺坐。諸人物款。正德丁卯秋八月既望。畫於夢墨亭。唐寅。鈐印一。六如居士。

後隔水。天下唐卷第一。鈐印二。林邨隱居。林邨審是。

鑑藏寶璽

八璽全

牧傳印記青笠綠簑齋藏隴西仲子珎藏
州。

王諤畫溪橋訪友 一軸

本幅絹本。縱五尺三寸五分。橫三尺二寸五分。水墨畫。堯峯壁立。松陰茅屋。有人兀坐。來者攜琴隨蹇。方度橋。款四明王諤寫。鈐印二。

東原廷直

御題行書

草樓松下碧溪隈。不設牕櫺面面開。恰似陳蕃方下榻。遙看徐孺過橋來。丙申仲夏月御題。

鈴寶二。乾隆宸翰得象外意。

鑒藏寶璽

八璽

謹按王諤字廷直。奉化人。孝宗朝官錦衣千戶。

仇英訪趙伯駒桃源圖 一卷

本幅素綾本。縱一尺三分。橫一丈四尺六寸五分。設色畫山中田廬人物。一人繫舟峽口。款。仇英實父製。鈐印二十。洲仇實父氏。

御題行書

鈔鑼溪接武陵源。峽口通人宛見村。望去陌阡雞犬富。迎來老幼笑言溫。傳神別致超凡品。避世高情足靜論。粉本問從誰所得。伯駒真蹟石

渠存。已亥孟春御題鈐寶二。會心不遠德充
符

引首

御識

已未歲題趙伯駒桃源圖有雲山春霽鈔鑕谿
之句。越四十年已亥題仇英桃源圖。復用鈔鑕
溪字。因失記數典。以詢內廷翰臣。自于敏中以
下。竟無知此事者。檢之十餘年。迄莫能得。每往

來曾次。頃幾暇。偶閱舊刻元人所編陶靖節集。
桃花源記。湯漢注中。始知本于桃源經。恍如重
入仙源。頓逢舊迹。亦一快事。且知學問之道。無
窮盡也。仇英此卷。即藍本伯駒筆意。超秀。頗能
神似。洵為合作。因即書卷端以識賞遇。戊申
小春御筆。鈐寶二。古稀天子之寶。猶日孜孜。

臨金藏寶璽

八璽全

古希天子。五福五代堂。古稀天子

寶壽。八徵耄念之寶。寓意于物。用筆在心。

收傳印記子孫保之

仇英畫蕉陰結夏一軸

本幅素綾本。縱八尺六寸五分。橫三尺五分。淺設色畫。蕉石下一人撫琴。一人撥阮。童子持盞款。仇英戲寫。在石鈴印二。仇英之印。仇實父氏。

鑑藏寶璽

八璽全

收傳印記。項元汴印。項子京家珍藏。還密項墨林父秘笈之印。子孫世昌。天籟閣。項墨林。

鑑賞章。攜李項氏士家寶玩。

文徵明小景一冊

本幅素綾本。二十四幅。縱一尺三分。橫一尺一寸九分。水墨畫山水六。松竹二。松泉一。竹石五。古木竹石四。竹一。蘭三。蘭竹一。松石一。末幅自題。離離蒼水珮。居然在空谷。雖多荊棘枝。春風自芬馥。款徵明。鈐印二。徵明印。悟言室印。

後副葉前人題跋

衡山丈太史。小景冊子。凡二十有四。通間道
中弄筆所寫。其仲子休水侍太史家居。每以
佳楮置案頭。俟興到輒為之。故皆意趣高遠。
超然蹊徑之外。疎密濃淡。隨意塗抹。各臻奇
妙。真得繪事三昧也。仲君襲筭久矣。不輕畀
人。今歸元昊凌孝廉。以孝廉能賞識也。噫乎
過庭論字曰。偶然欲書。浩父為文曰。佇興而
作。豈獨繪事然哉。萬應元年五月晦日黃姬
水識。鈴印三。曲林黃姬水印。生延州。
吳人得文待詔一點染法。輒贊作款識。覓生
活。此二十四紙。真待詔得意筆。間總散懷。出
倪入趙。極有意無意之妙。而都不著款識。僅
餘一詩。豈邢姪娥徽衣來前。令尹姬自色奔
耶。元昊必欲吾輩證明之。母乃覺有待之為
煩也。括出題於後。萬應元年季冬日。聊耶王
世貞書於琴溪齋。鈴印二。王元美印。天茂。

居士。

鑒藏寶璽

八璽
全

收傳印記
汝鄰俊印

文徵明四時讀書圖 一卷

本幅素牋本。縱六寸。橫六尺四寸。淺設色畫
四段。間自題詩。一桃徑竹籬。敞榭中。攤卷坐
讀。上書朱熹讀書樂詩。山光照檻水繞廊。舞
雩歸詠春風香。好鳥枝頭亦朋友。落花水面
皆文章。蹉跎莫遣韶光老。人生惟有讀書好。
讀書之樂樂何如。綠滿窓前草不除。款右春
日讀書圖自題。水閣雲廊深復深。開軒綠霧

常陰陰。涼宵對客月。在牖。清晝讀書風滿林。
食筍也勝魚肉味。揮毫誰作鳳凰吟。悠然境
在風塵外。幾樹黃鸝送好音。玉蘭堂晏坐。適
陸五湖過訪。因成是什。書晦翁詩後二。荷塘
敞亭。手書作拍點狀。童子侍上書讀書樂詩。
新竹壓簷桑四圍。小齋幽敞明朱曦。晝長吟
罷蟬鳴樹。夜深燼落螢入幃。北窓高卧羲皇
侶。只因夙論讀書趣。讀書之樂樂無窮。瑤琴

一曲米董風。款右夏日讀書圖。自題。愛汝東
菴暑氣薄。解衣盤礴坐莓苔。一林綠竹清可
數。五月紅蓮香已開。捉麈靜吟常晏處。翻書
逸興喚童來。溪邊日落山更好。閒看溪雲緩
緩回。王右丞曾有此圖。彷彿考亭詩意。雖時
代不同。而朱子詩中亦有畫也。予戲擬之。三。
老蕉壞柳。松石側亭中列帙。上書讀書樂詩。
牕有昨夜葉有聲。籬豆花開蟋蟀鳴。不覺商

意滿林薄。蕭然萬籟含虛清。近牀賴有短檠
在。對此讀書功更倍。讀書之樂樂陶陶。起弄
明月霜天高。款。右。秋日讀書圖。自題。瀟灑林
亭石徑長。碧泉秋水煮茶香。沿堤衰柳枝還
潤。近戶高梧葉半黃。東館垣衣塵漠漠。北窓
殘照晚蒼蒼。牙籤湘帙知無數。盡是幽人費
品量。既補斯圖復成拙。詠乃從朱子蕭然萬
籟句中咀味而出也。四寒林雪徑攜琴歸舍。

几上積卷。上書讀書樂詩。水盡木落。千崖枯
炯然。吾亦見真吾。坐對韋編。燈動壁。高歌夜
深。雪壓廬。地爐茶鼎烹活火。心清足稱讀書
者。讀書之樂何處尋。數點梅花天地心。款。右
冬日讀書圖自題。青峯互合若為羣。中有高
人卧白雲。颯颯松風從澗出。蕭蕭竹色過橋
分。攜琴欲覓知音侶。鍵戶應輸好學人。吹遍
朔風寒愈厲。惟探五典與三墳。畫讀書圖四

幅錄徽國公詩於上更賦以足其意嘉靖庚寅三月徵明每段分鈐印大雅惟唐寅吾以降徵明玉蘭堂衡山又自題朱子四詩所謂孔顏樂處也惟朱子能成是詩眼前道理近取即是不假勉強陸尚寶徵予補圖以示子弟率為擬之越二年重出索題時余六十有三歲矣目力未衰猶堪作蠅頭書也衡翁識

有王省曾跋

第一段前
衡翁能畫復工詩為言好學深

思者。莫負青春年少時。五岳山人王有曾。鈐印一。太原圖記。

引首。四時讀書圖。篆韓世能鈐印一。鮑經領

薦。

後幅前人題跋。

我愛衡翁畫。遠情一望深。含毫揮寸楮。佳意惜分陰。花竹有餘霸。林亭無俗襟。因知讀書者。於此見潛心。魏之璜鈐印一。可觀。魏之璜印。考叔。

讀考亭文公詩。而知能得讀書之樂者鮮矣。觀待詔公畫。而知能與古人詩意傳神者亦鮮矣。此袖珍卷。待詔為陸尚寶畫。不惟矜點染之妙。且以嘉尚寶之能。啟迪後昆也。五侯

作筆墨論哉。袁聚鈴印二。素尚之氏。耐菴主人。

鑒藏寶璽

八璽全

收傳印記。陸氏子傳。周亮敬觀。周亮借觀。一過周亮工印。賴古堂鑒賞印。櫟園周氏元亮秘笈之印。

謹按袁聚字尚之號謝湖居士著楓窓小牘

文徵明上林春色圖 一卷

本幅宣紙本。縱一尺四分。橫一丈二寸八分。
淺設色。畫山齋池館。松樾茂密。中杏花雜開。
二人對坐清譚。柴門外繫舟一。款嘉靖壬子
春日。徵明鈐印二。玉蘭堂文徵明印。

引首上林春色。八分書。徵明鈐印二。文徵明印。
衡山。

文徵明畫山水一軸

本幅宣德牋本。縱三尺一寸。橫九寸。設色畫山水。樹木藤蘿。傍水三人席地。一人臨流。童子抱琴侍。自題峻嶺崇山。帶茂林。激湍宛轉。斷埃塵。焉知嘯詠臨流者。不是羲之輩。行人徵明。鈐印四。徵明文徵明印。衡山。

鑒藏寶璽

八璽
全。

文徵明畫雨餘春樹

一軸

本幅素綾本。縱三尺橫一尺四分。設色畫疎
樹崇邱。笠亭林屋。石橋矯首。游人各隊。無款
鈴印二。文徵明印。停雲。自題。雨餘春樹。綠陰
成。最愛西山向晚明。應有人家在山足。隔溪
遙見白煙生。余為瀨石寫此圖。數日復來。使
補一詩。時瀨石將北上。舟中讀之。得無尚有
天平靈巖之憶乎。丁卯十一月七日。文璧記。

鈴印二。文璧之印。文仲子。

御題行書

為圖復與補詩成。送客北征霽景明。却是靈巖
曾駐處。展觀亦用繡懷生。己酉新正御題。鈴
寶二。古稀天子。猶日孜孜。

鑒藏寶璽

八璽
金。

牧傳印記。潯陽仲子。薌岩珎藏。

陳淳畫花卉 一卷

本幅宣德牋本。縱八寸八分。橫一丈三寸。設
色畫杏花。海棠。秋葵。桂花。山茶。水仙。幅間各
自題。江南春雨足。杏子正開花。茅屋青帘下。
遙知是酒家。名花開蜀苑。阿那醉東風。桃
李名無數。仙凡自不同。素簪倚秋風。向人
渾欲語。春花莫相笑。丹心自能許。月窟多
仙桂。秋來滴碎金。異香飄滿地。詩酒慣相尋。

窮冬多雪霰。柔脆已先摧。不是丹砂質。寧
能最後開。羞容勻薄粉。香袖卷輕羅。且莫
凌波去。江頭冰雪多。道復製鈴印二白陽山
人。陳道復氏。

御題行書

放蕊即看吐嫩葉。著枝亦是不凡花。雪香漫自
思庾嶺。霞韻惟應認董家。綽約影疑特羞月。
輕盈態似不勝風。漫嫌子美無詩句。性好當知

有異同。自解向陽自不知。幾曾咄咄煩言語。
山人本自厭紅塵。何事丹心亦偶許。夜月葉
看雕夜玉。秋風花正放秋金。樺香展卷芳撲鼻。
祇在碧叢左右尋。渚邊石畔常相伴。雪虐風
饕豈為摧。煉就丹砂奚比似。仙家啼汞鼎初開。
離騷經本羣花譜。底事名偏漏汨羅。應是靈
均有先見。後來吟詠正當多。唐寅新春御題
每段分鈴寶。乾隆宸翰用筆在心。正有同春半。

榻琴書垂露寓意于物幾暇怡情得佳趣

後幅黃克晦跋

陳白陽先生縱邁跌宕妙入冥筌草書花卉俱不泥古法自成一家故時人莫及此卷觀之周師屏所亦平生一快也吾野黃克晦時萬曆乙亥鵬目

鑒藏寶璽

八全璽

牧傳印記曠菴天門高岱私印

謹按黃克晦字孔昭晉江人工詩善畫見聞書

錢穀紀行圖

一冊

〔本幅〕素牋本。三十二葉。縱八寸九分。橫一尺二寸一分。設色畫太倉至揚州所經山川城市景色。篆書各標名。一小祇園。二太倉。三齋子鋪。四新洋港。五崑山。六真義。七維亭。八沙湖。九下雉瀆。十婁門。十一金閭。十二楓橋。十三射瀆。十四許墅。十五望亭。十六梁谿。十七惠山。十八洛社。十九橫林。二十白家橋。二十

一毘陵二十二新聞二十三奔牛二十四呂
城二十五丹陽二十六黃泥霸二十七丹徒
二十八新豐二十九京口三十金焦三十一
瓜洲三十二揚子橋每幅鈐印二錢叔寶氏
縣設室。

鑒藏寶璽

八璽全

收傳印記程道濟印

謹按是蹟見嚴氏書畫記。蓋當時即已竊之。

錢穀扇暍圖

一卷

本幅紙本。縱八寸一分。橫二尺一寸八分。設色畫周武王扇暍故事。鈐印二。錢穀印。錢叔寶氏。

後隔水

御題行書

武王扇暍紀淮南。繪事嘉他藝諫含。却憶子輿論子產。徒枉為政更名談。陰暍之事。不見經

史雖亦惠政。但子產鄭臣。孟子猶或譏之。豈王者所能遍及天下之暘人而扇之哉。然在子書與畫史傳之。以諷為政者。固其可耳。因并識於後。戊戌仲夏中澣。御筆鈐寶二。幾暇怡情。得佳趣。

引首題繪雙妍。王元懋書。鈐印三。王元懋印。王聖修。韓石廬。

歷金藏寶璽

八

取益在廣求。幾暇臨池。保泰體仁。

寫生筆端造化

收傳印記妙有樓閣曠齋珍賞記
損郊所藏
吳郡汪應鶴鑒賞書畫

文伯仁攝山白鹿泉菴圖 一卷

本幅宣德箋本。縱九寸六分。橫四尺二寸。設色畫崇山磴路。萬松茅屋。一人倚窓。二人步石。約坡下。二人負擔。二人後步。款攝山白鹿泉菴圖。書山中農人文伯仁寫。鈐印三五。峯文伯仁。文伯仁。德承章。

鑒藏寶璽

八璽全

牧傳印記。當湖劉氏家藏。

王穀祥仿夏森畫一冊

本幅宣紙本。十四對幅。每幅縱四寸二分。橫七寸一分。水墨畫山水花鳥。

御筆行書分標四字。溪橋策杖。繡壁開雲。

沙津艤渡。江岸歸漁。烟波釣艇。江深草

閣。春風禽語。漁浦秋深。一竿靜趣。飛

泉清聽。臨流寄逸。風雪歸人。疎柳寒雅。

平臯清唳。水宿相呼。風蒲鳧浴。春江

水暖。會心魚鳥。桑陌占時。響答樵柯。
原上飛鳴。在梁興詠。飲啄自如。荷塘飛
鷺。蘆汀霜信。秋水清標。每幅分鈴寶德。
充符幾暇。怡情得佳趣。會心不遠。比德
澂觀。朗潤寫生。乾隆宸翰。上方標紙。

御筆分題

先生舊與白雲遊。何事支筇野釣頭。
疑是翻然到吳郡。返因興罷肯遲留。
過雲錦繡似雲披。

纂組丹黃更陸離。石壁慢言無巧樣。天孫機架
此曾支。艤舟沙岸携童子。囊橐相隨擬問津。
雞黍孔門猶致議。寄言作者又何人。西若東
瀛隨泛宅。蓬頭跣足共浮家。銀鱗網得入漁市。
持換香醪不用賒。烟波萬頃淡迷離。七尺青
竿一丈絲。不有元真苔雪趣。何殊樵子在山時。
鏡水屏山翠欲交。虛明向遠入江郊。恰如老
杜新題句。背郭堂成蔭白茅。翠柳絲絲蘸碧

潭黃鶯恰恰弄音。酣空林且喜無人聽。謾舉陳
言艷酒柑。來去湖天總不期。鯉魚風拂綠簑
披。請看孤鶩高飛處。正是絳州作記時。倚樹
持竿俯碧冷。釣無餌豈為魚醒。畫家不著伊誰
氏。恐似嚴光釣客星。踦踞科頭聊放浪。臨流
坐石足清真。誠然樂處多名教。何礙容無此輩
人。舍貞養素許巢傳。濯足惟應萬里流。橫遍
九州豎千古。幾人當得看青眸。風雪漫天野

渡濱柴門不見夜歸人。藉知小夏法無匹。更憶
長卿句寫神。幾絲蒼柳染霜輕。鴉背飛翻夕
照明。風物報人寒近矣。授衣時節最關情。疎
林霽色滿平皋。啖出仙喉調自高。舉似華亭寄
清怨。不知為陸抑為陶。溪鳥無名有匹隨。葦
叢命侶意熙怡。問誰識得相呼趣。子美當年水
宿時。濕蒲垂露復含風。浴浪羣鳬出綠叢。烟
雨瀟湘渾一致。佳名何獨讓冥鴻。詩禪誰占

寂高乘。小杜髯蘇句可徵。梅逕餘寒蝶未耳。春
江水暖鴨先曾。鳥集蘆枝魚泳波。親人樂處
會心多。水天空濶供俯仰。濠濮其當較若何。
李春月令降于桑。織婦耕夫一例忙。何必談奇
辨鷓鴣。端知綴景勝鴛鴦。樵柯不見入山深。
却聽丁丁出碧林。抑笑士乎抑求友。同詮宵雅
渴賢心。在原水鳥曰雖渠。行搖飛鳴急難如。
比似鴟鴞同物類。唐宮作頌豈虛譽。或降于

飛或在梁。相關樂意水雲鄉。詩人寓義分明會。
上下情親福祿長。溪梁棲鳥不知名。飲啄悠
然適性情。萬物散殊欣職殖。好生天地有何營。
晚來微雨過荷塘。水面風輕溪閣涼。野鷺閑
然忽飛起。涼空猶帶滿身香。蕪葭采采不成
叢。白露為霜肅碧空。清怨問誰能寫出。試聽二
十五弦桐。參參獨立髮毛絲。西室中人想似
之。寫物渾成自寫照。寧誇優孟效前為。每幅

分鈐寶。乾隆宸翰得佳趣。德充符。激觀奉三無。
私會心不遠。中心止水靜。幾暇怡情。乾隆御賞。
寫生。末幅穀祥自識云。宋待詔夏禹玉畫筆。蒼
潤妙絕藝苑。一時評者謂其用墨前無古人。
子森最得家學。戲墨尤精。人間所傳多其父
筆。而森作甚少。文衡山先生近購得之。計二
十六紙。墨色意象。所謂蒼潤不下乃父。先生
寶藏。未嘗輕示人。余從借玩旬日。喜不忍置。

長夏無事。試臨摹一過。畦徑割強。猶邯鄲之
步。遠不逮也。余本不能畫。時戲作花枝。亦不
能工。此復勉作種種難事。何異拙匠運斤。求
同般倖也。聊存巾笥中。他日發之。亦供一笑。
嘉靖辛丑六月二十六日記。右臨夏森小畫。
塞拙不佳。周幼海過余齋居。見而書之。遂贈
以去。既十餘年矣。幼海乃裝成冊。持來請題。
云文氏所藏已歸時宰。吳中僅存是本。當為

珍重。嘻。幼海其宋人耶。何不寶和璞而寶燕
石也。豈丹砂無覓而姑取資於赤壤耶。幸勿
示識者。以重余之醜可也。甲子九月晦。王穀
祥題。鈐印二。酉室。祿之。

御識行書。

穀祥此冊。筆墨清逸出塵。其蒼潤故有禹王家
風。森粉本既不可得。此即珍如和璞。非若所云
寶燕石者比。嘗携之行篋中。間一撫臨。一再以

不似似之。或不致重臺之誚。幾餘展玩。各系以詩。用誌真賞。癸未夏日并識。鈐寶二。比德朗潤。

前副葉

御筆。意超神合。鈐寶三。游六藝圃。乾隆宸翰。落紙雲烟。

題籤

御筆。王穀祥仿夏森畫。

內府珍秘

鈐寶一。古稀天

子之寶。

鑒藏寶璽

金。璽。

古希天子。五福五代堂古稀天子。

寶壽八徵耄念之寶。

收傳印記

項元汴印。墨林祕玩。退密子京。墨

林山人。墨林項子京家珍藏。周菴。

謝時臣松陰清話圖 一卷

〔本幅〕宣德牋本。縱八寸三分。橫四寸七寸五分。水墨畫喬嶺茂林。松根下二人跌坐。自題。世塵飛不到。山深鹿豕追隨淨。隱心採得青芝留客飯。綠蘿懸榻且調琴。落落羣峰看雪晴。天涯碧草動春城。山花浸酒煙霞窟。何處嚶嚶谷鳥鳴。辛亥二月花朝。謝時臣畫。并題鈴印三。樗仙謝思忠氏。嘉靖辛亥時年六十。

有五。

後幅前人題跋

經時卧本寂。一為啟烟局。百極能浮白。孤松
聊撫青。疎花澹幽薄。微月暖空庭。以我高翔
意。悠然對客星。姬水鈴印二黃志。淳父。生延
州
道人自愛仙源居。流水浮煙閑漱廬。鴉鵲
鵲曉聲亂。楊柳舊薇畫景疎。藥裏但供司馬
病。茶床不貯子雲書。薰風忽起疎慵薄。坐向
磯頭學釣魚。顧時化鈴印二盟菴顧時化印

鑒藏寶圖

八重全

收傳印記朱之赤鑒賞。休寧朱之赤印半

陸治諸仙拱壽圖 一軸

本幅宣德牋本。縱二尺五寸。橫一尺一寸三分。設色畫水仙靈芝盆石。款包山陸治。模趙彛齋諸仙拱壽圖。鈐印二。包山子陸生叔平。有黃珍書呂岳羣仙高會賦。

甲子之春三月八日洞賓與海上諸仙復叙於山島之舍。天朗氣清。惠風和暢。座開雲母之屏。鑪焚金猊之篆。蔬果交羅。馨香必薦。洞賓悅之。於是與諸仙舉海螺之杯。酌洪梁之醪。歌白苧之詞。賦黃梁之曲。觥籌交錯。廣和競逐。吹洞簫。擊漁鼓。敲檀板。舞箏篴。綠袖翩

而雲翔羽翮揮而月弄玉山未頽冰壺不竭
雖瓊府丹宮瑤臺玉闕亦何異于今宵之宴
也。既而夕陽西墜新月半吐楚岫雲低晚江
煙綠而羣仙至此興復不淺高秉銀燭再歌
再詠。度千載之奇造叙人間之樂事自鍾離
老師以至列班仙友無不歡欣文暢也。且吾
儕得長生之術於蓬萊寄飛仙之跡於海島
與麋鹿而相遊對風月以為侶采洞口之丹
芝煮松間之白石伐毛洗髓導飲服食名山
異鳥無不遍及天上人間頃刻而集或秦漢
之英豪或風塵之逸客道貌仙風清姿芳格
固不知有人間之樂也。今吾與諸仙相遇於
仁壽之室蓋亦風分時方夜半萬籟無聲聞
有白鶴飛鳴於九臯之表翱翔於雲漢之間
四顧而下踞集庭階予熟視之思欲歸洞羣
仙亦相推而起於是聯列仙乘羽輪折歸途

而共適。沂有竊於祥雲。余適賦之以紀其事。
嘉靖十有五年長至日。吳郡黃珍書鈴印。二
黃珍之印懷李

鑒藏寶璽

全八璽

徐渭寫生

一卷

本幅素綾本。水墨畫五幅。縱同九寸一分一
橫一尺二寸。畫水波鯉魚。自題鯉魚。墨中神
采多。赤尾銀鱗。古婦梳二月桃花水。春漲一
鬚萬斛上天河。鈐印二。徐渭印。酬字堂。二橫
一尺二寸。畫荷花。自題一斗湖光不放寬。特
於紙上定波瀾。犀盤黑畫渾無奈。捧出蒙山
女道冠。鈐印二。徐渭之印。金雲山人。三橫九

寸五分。畫螺甲中植菖蒲自題真珠螺肉殼
仙藥虎鬚蒲鈐印二。文長鳳飛處人。四橫一
尺二寸五分。畫榴實自題不用胭脂染一堆
蛟潭錦蚌挂人眉山深秋老無人摘自送明
珠打雀兒鈐印二。文長佛壽五橫三尺七寸
畫薔薇芭蕉梅花自題畫裏看花不下樓甜
香已覺入清喉無因摘向金陵去短檠長丁
送茗甌鈐印二公孫大娘海筍又題芭蕉雪

中盡那得配梅花。吾取青和白。霜毫染素麻。
鈴印一天池漱石。

御筆分題行書

不羨千里身。都同卅六鱗。濁遊還食濁。神到乃
傳神。意得何愁蟻。偽求應笑人。循名詮字義。也
覺與相親。了了揮數筆。超超見一花。出塵惟
淨直。照水亦橫斜。那避初更月。休誇十里霞。不
衫還不履。君子定無差。寶虛隨望晦。沈伏隱

泥沙閉戶公輸倣為危漢武誇味非鼎俎貴文
豈飾雕奢設不明珠韞誰將刀剖加春水溶
溶綠新蒲刺水青映波滿復瀼度籜搖還停李
密韉勤讀劉寬鞭示刑寧同等閒草壁寫贊明
廷榴花猶滿枝榴實已累垂可口還娛目秋
甘暎夏蕤玫瑰都得擬鳥雀那容窺謾議成欲
速紛哉奚啻斯應魄為圓缺連春吐葉葩風
前真野客月落是誰家粉膩燕未遠香輕蝶掠

斜調古佛見笑迦葉轉為羞。蕉葉善鳴雨。聽
前每種之。早中欣聽處。霖際厭聞時。愁喜原殊
託。蕭騷不自知。粗疎寫數筆。說偈付伊誰。猶
過楊家野。還輕羅氏榮。籟香那論暗。魄影每同
明。寫綻弗寫謝。得神勝得情。應嫌名近濁。潑墨
寄幽情。癸巳春日御題。每幅分鈐寶。乾隆大
塊假我以文章。潑墨寫生會。心不遠。几席有餘
香。比德朗潤。幾暇怡情。得佳趣。

鑒藏寶璽

全八璽

李宗謨蘭亭修禊圖

一卷

本幅絹本縱九寸四分橫一丈五尺七寸六分。設色畫蘭亭修禊景。四十二人各標名郡。功曹魏滂。右將軍王羲之。散騎常侍郗曇。榮陽桓偉。王凝之。潁川庾友。前餘杭令謝勝。侍郎謝瑰。王渙之前餘杭令孫統。行參軍邱旌。瑯琊謝安。行參軍曹茂之。右司馬孫綽。主簿任凝。潁川庾蘊。王獻之。行參軍楊謨。王宿之。

司馬虞說府主簿后綿任城呂系。參軍孔盛。
參軍鎰密。王元之。王彬之。郡五官謝繹。王徽
之。府功曹勞夷。行參軍徐豐之。徐州西平曹
華。前長岑令華耆。王蘊之。鎮國大將軍卞迪。
司徒左司屬謝萬。上虞令華茂。任城呂本。山
陰令虞谷。彭城曹誼。中軍參軍孫嗣。陳郡袁
嶠之。行參軍王豐之。內二十六人有詩。各錄
於標名後。

詩見
乾清宮
所藏
款劍南
李宗

錢穀蘭亭修輿圖卷

謨鈐印二宗謨小樵

後幅王羲之蘭亭修禊序孫綽後序

文見前同上

款工穉登對雨書鈐印二王穉登印青羊君

鑒藏寶璽

八璽全

謹按李宗謨號小樵永安人工山水白描人物見閩書

孫克宏墨卉

一

本幅絹本縱七寸五分橫七尺一寸五分。水墨畫玉蘭海棠荷花梔子芙蓉桂花水仙。山茶題款戊申秋日寫於敦復堂雪居克宏鈴印二。孫允執漢陽太守章。

鑒藏寶璽

八璽全。

收傳印記東郭草堂。口朝相將公侯伯忠孝節義文武科甲武陵氏之裔。

盛穎馬嶠煙雨圖 一卷

本幅素牋本。縱八寸七分。橫一尺八寸四分。
淺設色畫馬嶠山寺景。款馬嶠煙雨圖。癸酉
姑蘓盛穎寫。鈐印二。盛穎之印。陶菴主人。

御題行書

古寺邊傍精舍幽。瑞雲常覺覆簷頭。弗賓弗主
塊然坐。為墨為儒靜者流。低葉喬枝一律潤。煙
容雨意兩無休。馬嶠峯自高。岳語當面失之得。

見不 戊子春御題鈐寶二比德朗潤

鑒藏寶璽

全八璽

錢貢城南雅逸圖 一卷

本幅宣紙本。縱九寸。橫四尺二寸七分。淺設色。畫蘇州城南諸刹。款戊子新秋。錢貢。鈐印二。一不可辨。竹林居士。

引首城南雅逸。篆書趙宦光書。鈐印三。趙印。宦光。凡夫小宛堂。

後幅前人詩。

已節逢三已。春光半九春。風輕烟柳弱。日炙露華新。款謝遂池侯遊同禁苑人禪心自清

鑒藏寶壺

八壘

淨不必流縷塵野寺特莊嚴東遊幸即清
目多翻碧几香積供青糕共愛忘形古終懸
問姓嫵連公芳破賦沾酒慰陶潛報國寺
假新竹飯四瑞今名刹千僧昔勝固雲天
蘇雁塔花柳青繁林妙境留禪悅韶光許客
尋誰能住空寂吾意樂憂深瑞光寺五
百兩朝寺消沉半劫灰滄浪一池水吳越幾
樓臺樹舌高僧歲花繁過客裁風塵虛歲月
一到一排如南禪寺彭年具草呈少白
微君詞伯覽笑并希敦和鈴印三陸池山人
彭孔嘉氏清世逸民

謹按錢貢號滄洲善山水人物見畫史會要

宋旭歲朝報喜圖 一軸

本幅素綾本。縱三尺。橫一尺三寸。淡設色畫。寒梅雜枝。茅堂中拊几作畫。旁一人啜茗。一人作拍點狀。翦頭奴撥火。牕間四童子嬉戲。門外一人度橋來。奴挾策隨後。款歲朝報喜圖。八分書石門宋旭寫。鈐印二。宋旭之印。石門山人。

御題行書

園鑪賀歲坐茅齋。柏盞椒盤雜錯皆。序齒仍存
酬酢禮。逢年且喜廩倉排。新春至矣舊春似。老
者安之少者懷。別有步橋叩門客。相安耕鑿總
吾儕。丁未新正御題。鈐寶二。古稀天子之寶。
猶日孜孜。

鑒藏寶璽

八璽
全

趙左畫山水一軸

本幅宣德牋本。縱三尺八寸。橫一尺八分。淺設色。畫高峰古寺。虛壑虬松。款華亭趙左寫。鈐印一。趙左之印。

鑒藏寶璽

全八璽

收傳印記清勤堂梁氏書畫記

陳裸書題蕉雨圖 一軸

本幅宣德殘本。縱二尺五寸三分。橫九寸四分。水墨畫疎林茅屋。二人對雨坐談。款天啟壬戌仲秋。茂苑陳棟寫。鈐印二。陳裸。白室道人。

藝藏寶璽

八
全

收傳印記太原氏藏清河書畫舫

謹按陳棟字叔裸。後以字行。夫叔更字誠將。吳縣人。

吳彬畫山水 一軸

本幅素綾本。縱八尺八寸二分。橫一尺八寸。淺設色。畫石筍危峯。高標傑閣。棧屋孤亭。長橋水榭。邨居阡陌。旅客游人。諸景款已酉仲夏。枝隱吳彬寫。鈐印二。文中。吳彬。

御題行書

山陰道圖向曾題其卷計長蓋數丈。卷可為長幅。不可豎。難橫。易理不爽。而此幅將逮丈長。出

奇豪邁匪夷想筍峯峻挺各矗矗琳宇懸居見
往往山環水抱路欲窮橋接舟通心忽敞是何
境也非人間杜老青巖布戰儻措思弗易乃入
神運以妥貼非勉強擬之英雄善欺人例乎丹
青斯見枉 庚戌新正御題鈴寶二八徵耄念
自彊不怠

鑒藏寶璽

八璽全

古希天子五福五代堂古稀天子

寶八徵耄念之寶

收傳印記曾在李鹿山處

董其昌書陰符經

一冊

本幅宣紙本。四幅。縱八寸。橫八寸二分。楷書。
陰符經。觀天之道。執天之行。盡矣。故天有五
賊。見之者昌。五賊在心。施行於天。宇宙在於
手。萬化由於身。天性人也。人性機也。立天之
道。以定人也。天發殺機。移星易宿。地發殺機。
龍蛇起陸。人發殺機。天地反覆。天人合發。萬
變定基。性有巧拙。可以藏伏。九竅之邪。在於

三要。可以動靜。火生於木。禍發必尅。姦生於國。時動必潰。知之脩鍊。謂之聖人。天地萬物之盜。萬物人之盜。人天地之盜。三盜既冥。三才既安。故曰。食其時。百體理。運其機。萬化安。人知其神而神。不知不神。所以神。日月有數。小大有定。聖功生焉。神明出焉。其盜機也。天下莫不見。莫能知。君子得之固窮。小人得之輕命。瞽者善聽。聾者善視。絕利一源。用師十

倍三反晝夜用師萬倍心生於物死於物機
在目天之無恩而大恩生迅雷烈風莫不蠢
然至樂性餘至靜性廉天之至私用之至公
禽之制在氣生者死之根死者生之根恩生
於害害生於恩時人以天地文理聖我以時
物文理哲自然之道靜故天地萬物生天地
之道浸故陰陽勝陰陽相推而變化順矣至
靜之道律呂所不能契爰有奇器是生萬象

八卦甲子。神機鬼藏。陰陽相勝之術。昭昭乎
進乎象矣。壬戌春二月書半卷。至十月望續
成之。其昌。

御識行書

香光書。秀骨天成。空所依傍。能得古人妙處。於
筆墨町畦之外。此冊當於顏歐間求之。而駿邁
自其本色。信合作也。乾隆御題。鈐寶三。惟精
惟一。乾隆宸翰。烟雲舒卷。

鑒藏寶璽

八璽全

古希天子。幾暇鑑賞之璽。與和氣

游

收傳印記丹誠

董其昌臨王帖三種 一卷

本幅素牋本。二幅。第一幅縱七寸三分。橫七尺四寸。楷書孝女曹娥碑。孝女曹娥者。上虞曹盱之女也。其先與周同禰。末曹荒。汎爰來適居。盱能撫節安歌。婆婆樂神。以漢安十年五月。時迎伍君。逆濤而上。為水所淹。不得其屍。時娥年十四。號慕思盱。哀吟澤畔。旬有七日。遂自投江。以漢安死經五日。抱父屍出。以

漢安迄於元嘉元年。青龍在辛卯。莫之有表。
刺史度尚設祭誄之。辭曰。伊惟孝女。煜煜之
姿。偏其返而。令色孔儀。窈窕淑女。巧笑倩兮。
宜其家室。在洽之陽。待禮未施。嗟喪慈父。彼
蒼伊何。無父孰怙。訴神告哀。赴江永號。視死
如歸。是以眇然輕絕。投入沙泥。翩翩孝女。乍
沉乍浮。或泊洲嶼。或在中流。或趨湍瀨。或還
波濤。千夫共聲。悼痛萬餘。觀者填道。雲集路

衢。流淚掩涕。驚慟國都。是以哀姜哭市。杞崩
城隅。或有尅面引鏡。黎耳用刀。坐臺待水。抱
樹而燒。於戲孝女。德茂此儔。何者大國防禮
自修。豈況庶賤。露屋草茅。不扶自直。不鏤而
雕。越梁過宋。比之有殊。哀此貞厲。千載不渝。
嗚呼哀哉。辭曰。銘勒金石。質之乾坤。歲數歷
祀。邱墓起甃。光於后土。顯照天人。生賤死貴。
義之利門。可悵華葩。彫零早分。葩艷凋殘。永

世配神若堯二女。為湘夫人。時效髣髴。以招
後昆。漢議郎蔡邕。聞之來觀。夜闇手摸其文。
而讀之。邕題文云。黃絹幼婦。外孫壺白。又云。
三百年後。碑冢當墮江中。當墮不墮。逢王叵。
昇平二年八月十五日。記之。懷充滿。塞僧權。
洛神賦十三行補。體迅飛鳥。飄忽若神。陵
波微步。羅襪生塵。動無常則。若危若安。進止
難期。若往若還。轉眄流精。光潤玉顏。含辭未

吐氣若幽蘭。華容婀娜令我忘飡。於是屏翳收風。川后靜波。馮夷擊鼓。女媧清歌。騰文魚以警乘。鳴玉鸞以偕逝。六龍儼其齊首。載雲車之容裔。鯢鯨踴而夾轂。水禽翔而為衛。於是越壯北。過南岡。紆素領。迴清揚。動朱脣之徐言。陳交接之大綱。恨神人之道殊。怨盛年之莫當。抗羅袂以掩涕兮。淚流襟之浪浪。自識子敬十三行洛神賦。初時為兩。自賈秋壑

始得合為一。元陳灝集賢得之以寄趙文敏公。後來摹刻各異。惟晉陵唐荆川家藏宋榻本。最不失真。孫宗伯又刻於家。幾所謂下真一等者。余今年定小楷之宗。以此為法書第一。每每落筆。輒用其意。曾見羣玉堂帖。有右軍書全賦。未可定為王書。又有子敬全賦。小楷畧兼行體。余頗疑宋人假託如此。真蹟入宋。御府有德壽題。元文宗復得之以賜柯九

思有趙子昂跋云。見此如岳陽樓親聞呂祖
吹笛。自此可以稱量古今之書矣。柯敬仲歸
之喬簣成。多元人讚詠。余館師韓宗伯平生
鑒賞以為第一。已歸於婁江王辰玉太史。余
從壘鄉遜之數數展玩。真希代之寶也。標籤
但云晉賢書。不言右軍。惟倪雲林所述與孫
過庭書譜命之右軍。諦觀書法。猶未變鍾體。
若臨此書。當以宣示表恭合始稱。崇禎元年

二月望。其昌臨。鈐印一昌。又識。二王小楷。余頗疑傳世諸帖。多經唐宋摹臨。未有確論。若子敬十三行。似迴出諸蹟。無可致疑。學者當以為極則。晉陵孫宗伯刻於家。即荆川先生所藏宋本。無復遺恨。視文氏傳雲石。真天淵矣。其昌鈐印二。太宗伯章。董其昌印。又識。李伯時畫。每每附以楷書。皆精絕。雖米元章無以過也。然晉人風韻。去之遠甚。余補十三行。

別有意致。以待鑒賞家評之。戊辰二月廿五

日。思翁時年七十四。鈐印二宗伯學士。董元

宰氏有陳繼儒題

崇禎元年清明日。思翁邀余於北門別宅。同觀社會

云。今日始悟法書。覺從前皆未得正龍正脈。

今觀曹娥洛神補二帖。始信非誑語。此帖所

在。非吉祥雲覆之。當有天雨花其上。

第二

陳繼儒題鈐印二。陳繼儒印眉公。

幅。縱七寸八分。橫四尺七寸三分。行書蘭亭

序共四段。永和九年。至列坐其次。第一段

是日也。至信可樂也。第二段猶不能不以之

興懷至今之視昔第三段死生亦大矣至有
感於斯文第四段自識寫蘭亭都不能成篇
凡三數次共成之猶有遺脫是亦情徵也董
其昌。

鑒藏寶璽

八璽
今。

收傳印記今之式古堂書畫式古堂仙客吳
之綺印。

董其昌臨蘇軾雜帖 一卷

本幅宣紙本。縱七寸八分。橫五尺九寸一分。
行書。珍重壽聖師。聽我送行。偈願。愍諸有情。
一斷一切法。人言眼睛上。一物不可住。我謂
如虛空。何物住不得。我亦非然。我而不然。彼
意然則兩皆然。否則無然者。呂夢得承事。年
八十三。讀書作詩。手不廢卷。室如懸磬。但貯
古今書帖而已。作詩與之。張長史草書。大醉

始竒醒即天真不全。此乃未妙。猶有醉醒之
辨。若逸少何嘗寄於酒乎。僕亦未免此事。東
坡書於黃葉方丈真一歌。空中細莖。挿天芒。
不生沮澤。生陵岡。涉閑四氣。更六陽。森然不
受螟與蝗。飛龍御月。作秋涼。蒼波改色。屯雲
黃。天旋雷動。玉塵香。起搜十裂。照座光。跼蹐
牛噍安且詳。動搖天闕。出瓊漿。壬公飛空。丁
女藏。三伏遇井了。不嘗釀。為真一和而莊。三

杯儼如侍君王。湛然寂照非楚狂。終身不入
無功鄉。自識久不作東坡先生書。偶拈篋中
舊帖。得此三種。遂以鏡箋臨之。稍覺轉筆處
不全是偃筆。自宋至今。為偃筆所誤者。何限
可歎。可歎。癸酉嘉平十日。思翁書於長安行
館。時年七十九。鈴印二宗伯學士。董元宰氏

鑒藏寶璽

八
金

收傳印記盒

半
印

張應田圖書記樂閒

董其昌詩帖真蹟 一卷

本幅素牋本。縱八寸。橫三尺三寸五分。行書。
猶是鴻冥者。將無鶴怨。文焚香供宗子。貯酒
待陶君。籬蕊酬嘉節。江楓墮落曛。居然成二
老。長此挹清芬。開山莊是祖。埽逕仲為羣。南
郭延天籟。東林出佛雲。琴尊無俗韻。圖史見
遺文。今日蘓門嘯。何須隔嶺聞。
詔墨九重溫。文星執法尊。朱軒窮海國。絳帳

還山貽陳仲
醇微君二首

啟橋門。水鏡名先著。風霜氣已吞。遙知拜慶

日。桃李解酬恩。才子河東賦。仙郎柱後文。人

仍衣繡。各士總附青雲子。舍乘驄路天閑送

驥羣。何須占劍氣。知動斗牛分。

楊洪園侍御
地方事竣仍

視學南畿
詩以為贈新陽回建子。初度叶維庚。卜築逃

虛意。登臨信美情。無吟非雪曲。有筆夢花生。

何必賢良策。平津獨晚成。

贈吳房倫五
時寓居吳門

我

忘邯鄲道。君為吳會遊。能將五岳興。更寫九

歌愁。山水琴中賞。煙雲杖底收。歸裝餘一卷。

得似少文不。

送穆冲裕中舍還東明

歸客莫恢侯。都人

游冶場。繇來看競渡。是處比浮湘。水曲魚龍

戲。風前綵綵香。祇將反騷意。永日對壺觴。

龍潭

正午觀水嬉

唐午秋八月朔其昌

後幅張照題跋。

思翁嘗言宋四大家只學得爭坐帖。然此語恰恰自道。思翁雖追蹤晉人。顧其得力處。仍止爭坐耳。觀此帖可見世以其蕭散縱逸。脫盡碑版窠臼。疑其天資高而人力淺。余曾見

其廿三歲時。寫晉門品學麻姑仙壇記。便如印印泥。然則其苦心力學。為何如也。此道亦有三關。初若印泥。中若印水。終若印空。張照記。鈴印三。張照私印。得天長卿。

題籤

御筆。

董其昌詩帖真蹟

御府珍玩神品

鈴寶二。乾隆

宸翰神品

鑑藏寶璽

八璽全

牧傳印記餐英

半印在人境半印

董其昌烟江疊嶂圖 一卷

本幅絹本。縱一尺。橫五尺四寸。水墨畫煙江疊嶂圖。行書書蘇軾王定國所藏煙江疊嶂圖詩。見乾清宮所藏趙孟頫書烟江疊嶂圖詩卷款右東坡先生題。王晉卿畫。晉卿亦有和歌語。特奇麗。東坡為再和之。意當時晉卿必自畫二三本。不獨為王定國藏也。今皆不傳。亦無復撫本在人間。雖王元美所自題家藏烟江圖。亦目以為

與詩意無取。知非真矣。余從嘉禾項氏見晉
卿瀛山圖。筆法似李營邱。而設色似李思訓。
脫去畫史習氣。惜項氏本不戒於火。已歸天
上。晉卿跡遂同廣陵散矣。今為想像其意。作
烟江疊嶂圖。於時秋也。輒從秋景。於所謂春
風搖江天漠漠等語。存而弗論矣。舊作此卷。
與跋不曾著款。甲寅臘月重題。蓋十年事矣。
其昌鈐印一。董元宰氏。

後幅高士奇題跋

龍舸春停浮玉山。一江翠靄生春烟。江山飛
柳節上已。仗下作別心。依然北歸風。颯疾飛
駛夢中猶飲中。冷泉巖松谷樹忽寄贈。開卷
恍對真山川。烟雲如縹緲。列危岫。細路只在荒
墟前。層巒綿邐接怪嶂。峰勢峭勁如揮天。今
人那見駙馬跡。文敏落筆真爭妍。請看沙邊
秋蘆亂洲岫。崖壑缺處藏山田。君不見華亭
書畫號雙絕。名齋未第將百年。卷餘素練寫
長句。簷花舞女同便娟。寒嵐漠漠斷石壁。疑
有隱士邱中眠。筆紋似水北由下。細尋畫理
同遊仙。瑤璣瓊瑗現比情重。獲此神物誠何緣。
相思相望托雙鯉。為君更賦烟江疊嶂篇。康
熙己巳初夏。保齋總憲寄董文敏烟江疊嶂
圖卷。用東坡韻為卷。庚午伏日江邨閒居曉

憲展閱復書卷末抱笈翁高士奇鈐印二高

士奇澹人荏苒十年對之興歎山荆亡後室無侍妾南

北往來唯圖書數卷作伴侶今日晚涼秋蘭已放數十莖用文三橋耕井硯重記江邨竹

鑒藏寶璽全八璽

收傳印記江邨秘玩花原草堂

陳繼儒雲巖蕭寺圖 一軸

本幅素綾本。縱四尺四寸。橫一尺八寸。水墨
畫高山叢樹中。結茅菴。款壬戌秋日。擬廬山
陽筆意於茗帚菴之東軒。眉道人陳繼儒。鈐
印二。陳繼儒眉公。

鑒藏寶璽

八璽

邢侗草書古詩一卷

〔本幅〕雲母牋本。縱九寸。橫一丈三尺七寸。草書七言古詩。洛陽三月東風起。楊花飛入千門裏。只見朝縈上苑煙。那知夕逐東流水。苑煙流水無休歇。髮白輕盈度千闕。趙女瑤臺貯綵霞。班姬團扇題明月。綵霞明月幾沈輝。陌上行。人亂撲衣。征夫極寒愁看雁。少婦香閨懶上機。極寒香閨萬里餘。草色連天度隴

水玉門關外雪猶飛。章臺樹裏風先起。誰家浪子千金門。平明挾彈章臺下。頭上羅巾玳瑁簪。腰間寶劍珊瑚把。踏絮來尋賣酒家。持香坐調當爐者。當爐美女愁陽春。笑掇楊花襯繡裯。青樓薄暮難消遣。白雪漫天愁殺人。冥冥漠漠春無極。此時惟有楊花色。一朝風雨靡蕪爛。獨慘垂條三歎息。來禽館人邢侗子。愿甫。鈴印二。邢子愿氏。邢侗之印。有高士。

奇題

子愿家臨邑罷官年才三十餘築朱禽館於
古犁邱口讀書識字焚香掃地不問家人生
產四方賓客造門戶屢恒滿晚年書名益重
碑版照四裔妹慈靜善仿兄書同里王治書
洽為刻來禽帖濟南風流文采幾與江左文
董先後照映李維禎序其集擬諸北齊邢子
才云余向在京師得其二卷紙背零落更為
棄之因跋於後使知珍焉康熙己卯七月廿
一日晚涼對秋蘭書時天氣久旱農情望雨
安得微雲淡河漢飛江却侍萊衣人高士奇
鈴印三士奇山唐事竹窗

鑒藏寶璽

八璽
全

謹按邢侗字子愿臨邑人由進士累官行太僕寺少卿有來禽館集

黃道周尺牘一冊

本幅素牋本。對幅行書尺牘四通。第一縱七尺二分五紙。通橫二尺二寸八分。明卿道兄閣下。相依兩三月。牙弦輪斤未之深浹。而草草割云。不得一晤。殊刺人懷。人相值正自難。如此泛常耳。甚乖初話。天實為之。四顧浩歎。每觸大事。奉一尺刀。處處元黃。不成兩斷。乃慕前哲。真為知言。或躍之旨。疑近不祥。括囊

未能胡斯畏忌。近身犯之。不得老兄真如中
夜起而喪燭。通乞休致四十日。了無首尾。閉
戶過年。又俟明春。叩頭吐血如此。以問聖賢。
亦寧當無懽耶。深秋以來。同舍之內。蓼莪講
詩於兄。四報言念樂樂。棘刺出背。欲自絕。輕
斷。勒而去。當事者。願以憤激相持。甚苦不達。
悶不可言。人讀書不詳審。末路亦難。開文鄭
二兄。明果造岸。僕常汎汎如失舵之舟。檣影

一移。遂使見者南燕北越。初間火烈。亦誠有
憤氣。今復何為受此。邈係假令桓子殺曾參。
不知回賜諸兄。當如何生活。又令仲尼召閔
子。不知原思亦勸住汶上耶。諸兄常恨僕思
多。僕每自恨思少。今臘月當道已題孫兄。道
周獨自奄然。留滯民舍。明春二月。次在寄庵。
道周又埋頭數月。生值明時。四十見天神武
之冠。如何可掛。只為同輩汨汨了不相關。姑

破枕子。為一驚夢。而世上定力人多。碎十竹竿。水流自在。詩曰。天命不徵。我不敢傲我友。自逸。今我乃不敢傲人。勞耳悠悠此心。言語之間。只得廓子何時刺舟過。兄苦次。談諸行藏。憂樂之事。風厲雪深。禮餘輟筆。珍重。珍重。臘月望後。弟道周頓首。第二縱同前。四紙通橫一尺七寸六分。廿年高景。一日棟簷。繆此雲間龍鶴之懷。申以澹師瓜葛之好。同籍中。

弟於兄大深至矣。往歲鳬飛之會。翹首嶺雲。
雁頸欲絕。而金玉杳然。顧影殊慙。自難識。
言無足採。固宜其然也。以台兄雅韻。范治一。
世。頑鐵磁石。氣理相推。戴星餘閒。微念好譜。
自應不忘道周。即令兄忘道周。道周應不忘。
兄耳。貴治去做鄉。不過三百里。離羣之鴻。一。
夕可通。弟以初秋得還。初服山阿薜蘿。嘲謂。
愁人念軒綏之上。羊花薇之鮮雅。赤棒在前。

雉堠夾道。真書生所咋舌寒暖之所驚也已。
過里門。宜即奉候。而家無解事。四壁相向。一
家兄又甚椎樸。貌不動人。棲遲遂過旬月。邱
壑間人。繫情益寡。不應重擾雁魚。願有區區
未之悉也。情詳別札。端候興居。萬福珍重。八
月望後十日。弟道周頓首。冲第三縱八寸三
分。四紙通橫一尺七寸五分。窮豚失乳。鮮民
賴生。以不孝筑筑。待盡墓側。寒涼餘膚。息炊。

速火乃辱年臺垂之范露聆以鈞天哀殘桐
於斷溝問觸松於逸鹿九原可作骨肉同號
矣不孝蚤痴又安冷炙言辭不能動人文貌
不足蓋體曲鍼腐草到處灰心惟在夢魂所
結泉石同盟其在年臺廿年遐契昔旦欣期
自投膠漆之中豈復蟹魚所間方今煙雲日
異氣志向哀幽人唯反已之求志士尚元通
之悟未聞唳鶴契跡於危松况有望鵲遺音

於桂樹唯我年臺不報示恩猶憾見大扇用
廣莫不費夷吾春風之風寘於寂寥足副表
安雪夜之雪不孝交不越境熱未依人又以
老母旣終生雖未覿食於苟且之田存此支
離之命墓草無恙銘骨已深誠恐戚里借冒
往來以致雁魚蕭條阻絕陡承弔賜感格匪
夷謹領生芻之情半伸掩豆之酢百諸荒昧
千冀淵容十月廿日不孝周頊首稽顙第四

縱同前。三紙通橫三尺一寸三分。仲馭先生。
曠視宇宙於海外。豎儒何有。而存念過至。使
繫於舍生取義之後。要以沃濯天下。淘物厲
世。仲馭任之以視鯨周。非其屍也。學問自聖
賢而下。各為時起。仁根智芽。應雷而發。要其
曲存。皆不自知。方黃鍊景諸公。甫埽煙塵。仰
依日月。豈圖雲漢。亦有洪濤。今值廓清。曾幾
何時。而變化奮荅。邈如岸谷。固知名業之有

倫不知道界之無際也。遊世無悶，不知不悔。
視求仁得仁者，只先一着，只此一着，費盡聖
賢多少切磋過此以往，如各度孟門，隨地灌
注而已。生平讀書，不能了曉，但謂文字前後
皆非妙理，所存如蹇解兩卦，皆有朋朋皆陽
爻，位置高卑而作用費別。匡時濟亂，源本於
此，而談者欲以睽負失其陰柔，是歐陽永叔
所發聲而歎也。永叔生平無大罪過，只以元

結樊宗師為文之妖孽。此是識力不大。作蠹
魚瘡痛耳。遂使無識宵人。藉口文身。波瀾相
乘。鳳隼共潰。故知經世之道。存乎寸心。引風
批葉。射影吠聲。了無當於救敗也。三疏理義。
闕維萬古。至於文章。囊括沉毅。俯視賈劉。猶
有疏氣。司馬君寔。韓魏公。差有此量。顧筆不
逮耳。僕迂疏沓踏。有何足言。李雲之累杜衆。
元禮之負山英。幸值聖明。不遂至此。然乘漏

舟而寶康匏。蹈淖泥而棲牛橐。曲躬禮石。銷
口銘金。吾輩告戒何遽為晚。先生體參閻之
行。負星圖之表。含宏冲挹。今古所稀。而過自
推遜。捨腐取鍼。舟中授餐。遠道授衣。慇懃懷
念。顛頓靡悔。真所以羽翼典策。漂流流俗也。
前後詩十餘首。差出肝鬲。備如面談。空山四
壁。餘函不侑。諸屑瑣塵上。別具謝單。仲馭老
兄先生鑒悉。四月望後。道周頓首冲。

後幅道周妻蔡玉卿書道周詩

襖被銜泥行旅欺。戴塗深歎古人詩。花塲舊
侶誰相憶。自記上林風雨時。驢背腥塵馬
灰。雪花攪作雨中苔。不知野店芒鞋者。曾
玉皇香案來。側岸寒梯薄笨車。單輪獨生
於鵝却想半帆風。曲折和舟猷。棹各家家
瓦頽垣叢林前。敢餘白骨當溝塍。不知萬
燒荒日。正是孤臣急就年。野家橫馳弓馬
渾流亦作梗。河船可憐竹箭蕭。蕭落不直
安榆莢。錢華萬已碎。薊雲寒。敢道勞人行
難。尚有監門難。畫處蓬窩擬盡未。交餐白
河過草橋頭。十日看雲滄海愁。怪得青齊七
百里。更無一水向南流。射聲響的每驚呼。蚌
與鷓鴣。在處飛鳴鴻雁哀。題花猶作白團
灰。

鑒藏寶璽

八

不是鍾期貪勝調。輕移弦柱此中來。感爾繆
綢相報也。裴縣衣袂。駭沾襟。家山何處無
米。險為孤桐再破吟。右急就十章。過滄州還
山。悵然赴筆。石道人時仲夏。蔡氏玉卿謹錄
書於石養山中。鈴印四。玉音清操。力學蔡玉
卿印。潤石玉卿。

收傳印記李杰春之圖書私印。半吳興伯子。
如晉錫印。幼口錢載。

欽定石渠寶笈續編

第三十一

重華宮藏八

列朝名人書畫四

朴菴畫龍一軸

本幅絹本。縱四尺八寸五分。橫二尺四寸。潑墨畫雲水中神龍見首歟朴菴。

鑒藏寶璽八璽

謹按別號錄載明人號朴菴者凡四萬祺江
西人黎淳湖廣人章拯浙江人趙昌南直隸

人未知孰是